



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: UP1:01-50-2-3071-1/23
Sarajevo, 19.07.2023. godine

PARLAMENTARNA SKUPŠTINA BOSNE I HERCEGOVINE

Trg Bosne i Hercegovine 1
71 000 Sarajevo

MUHIDIN ĆUPRIJA

Porodice Ribar 67/2
71 000 Sarajevo

PREDMET: Informacija, dostavlja se

Veza: Vaš akt broj: UP1/03-50-18-30/23 od 13. 7. 2023. godine

U vezi sa Vašim aktom, broj i datum veze, kojim se od Ministarstva komunikacija i prometa Bosne i Hercegovine (u daljem tekstu: Ministarstvo), *kao nadležnog javnog organa koji je u posjedu traženih informacija*, traži postupanje po zahtjevu podnositelja, dostavljamo odgovor kako slijedi:

Ministarstvo je 26. 5. 2023. godine zaprimilo identičan zahtjev za slobodu pristupa informacijama te, postupajući po njemu, donijelo Rješenje o slobodi pristupa informacijama broj: UP1: 01-50-2-2320-1/23 od 12. 6. 2023. godine kojim je odobrilo pristup traženim informacijama. U prilogu ovog dopisa dostavljamo spomenuto rješenje.



MINISTAR
Edin Forto



Broj: UP1:01-50-2-2320-1/23
Sarajevo, 12.06.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Muhidina Čuprije iz Sarajeva za slobodu pristupa informacijama od 26. 5. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

R J E Š E N j E
o slobodi pristupa informacijama

Muhidinu Čupriji iz Sarajeva se odobrava se pristup informacijama po zahtjevu od 26. 5. 2023. godine.

O b r a z l o ž e n j e

Muhidin Čuprija iz Sarajeva obratio se 26. 5. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup sljedećim informacijama, odnosno dostava informacija koje se odnose na pitanje pravnog sljedništva nad Republičkim sekretarijatom za saobraćaj i veze SR BiH (Ustav SR BiH od 25. februara 1974. godine), Ministarstvom za saobraćaj i veze SR BiH (Ustavni zakon za provođenje amandmana „Sl. list SR BiH“, broj 21/90) i Fondom za puteve SR BiH (sljednik SIZ-a za puteve SR BiH), a na osnovu Zakona o putevima RBiH („Službeni list SR BiH“, broj 10/90 od 30. marta 1990. godine, kojim je osnovan Republički fond za puteve SR BiH).

Također, traži se odgovor na pitanje zašto nije donesen Zakon o cestama/putevima Bosne i Hercegovine, Odluka o kategorizaciji te zašto Ministarstvo nije osnovalo javnu korporaciju za puteve/ceste i formiralo tim za evidenciju pokretne i nepokretne imovine kako državnih puteva/autoputeva BiH tako i bosanskohercegovačkih željeznica.

U zahtjevu se traži i pojašnjenje ko je pravni sljednik navedenih institucija (ako Ministarstvo nije), da li su to nadležna entitetska ministarstva i Brčko distrikt BiH ili neki drugi organ te da li je na

taj način prekršen Ustav BiH, Zakon o privremenoj zabrani raspolaganja državnom imovinom Hercegovini („Službeni glasnik BiH“, br. 18/05, 29/06, 85/06, 41/07, 74/07, 99/07, 58/08 i 22/22).

Shodno Zakonu o osnovama sigurnosti prometa na cestama u Bosni i Hercegovini („Službeni glasnik BiH“, br. 06/06, 75/06, 44/07, 84/09, 48/10, 18/13, 8/17, 89/17, i 9/18, u daljnjem tekstu Zakon), poziva se na odredbe ovog zakona a konkretno na članove 4., 11., 12. i 13. te na Aneksu IV i IX Ustava Bosne i Hercegovine.

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku, obavještava se podnositelj zahtjeva da je uvidom u arhivu Ministarstva komunikacija i prometa Bosne i Hercegovine utvrđeno da se gospodin Muhidin Ćuprija i ranije obraćao Ministarstvu i da su po upitima dostavljeni odgovori, i to aktom broj: UP1: 01-50-2-5399-2/22 od 2. 12. 2022. godine i aktom broj: UP1: 01-50-2-1071-1/23 od 14. 3. 2023. godine.

Ministarstvo komunikacija i prometa Bosne i Hercegovine je u skladu sa članom 10. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) nadležno za:

- politiku i reguliranje zajedničkih i međunarodnih komunikacionih uređaja
- međunarodni i međuentitetski promet i infrastrukturu
- pripremanje ugovora, sporazuma i drugih akata iz oblasti međunarodnih i međuentitetskih komunikacija i prometa
- odnose sa međunarodnim organizacijama iz oblasti međunarodnih i međuentitetskih komunikacija i prometa
- pripremu i izradu strateških i planskih dokumenata iz oblasti međunarodnih i međuentitetskih komunikacija, prometa, infrastrukture i informacionih tehnologija
- poslove kontrole neometanog prometa u međunarodnom prometu
- civilno zrakoplovstvo i nadzor zračnog prometa

U sastavu Ministarstva su upravne organizacije Direkcija za civilno zrakoplovstvo Bosne i Hercegovine i Regulatorni odbor željeznica Bosne i Hercegovine, čija su prava i dužnosti utvrđena posebnim zakonom.

Članom III stav (3) tačka a) Ustava Bosne i Hercegovine je propisano da sve vladine funkcije i ovlaštenja koja nisu Ustavom izričito povjerena institucijama Bosne i Hercegovine pripadaju entitetima.

Ministarstvo komunikacija i prometa Bosne i Hercegovine nije nadležno da tumači odredbe Ustava Bosne i Hercegovine niti da cijeni da li su prekršeni Ustav Bosne i Hercegovine i Zakon o privremenoj zabrani raspolaganja državnom imovinom Bosne i Hercegovine („Službeni glasnik BiH“, broj 18/05, 29/06, 85/06, 41/07, 74/07, 99/07, 58/08 i 22/22). Podsjećamo da je u skladu sa članom VI stav 3. tačka a) Ustava Bosne i Hercegovine Ustavni sud jedini nadležan da odluči je li bilo koja odredba ustava ili zakona jednog entiteta u skladu sa Ustavom Bosne i Hercegovine.

Također, **Aneksom 9 (Sporazum o osnivanju javnih preduzeća u Bosni i Hercegovini) Ustava Bosne i Hercegovine** nisu propisane nadležnosti Ministarstvu komunikacija i prometa Bosne i

Hercegovine. Strane Sporazuma o osnivanju javnih preduzeća u Bosni i Hercegovini su Federacija Bosne i Hercegovine i Republika Srpska.

Zakonom o osnovama sigurnosti prometa na cestama u Bosni i Hercegovini utvrđuju se osnovni principi međusobnih odnosa i ponašanja učesnika i drugih subjekata u prometu, osnovni uvjeti koje moraju da zadovolje ceste u pogledu sigurnosti prometa na cestama, vođenje Centralnog registra vozača i vozila, pravila prometa na cestama, sistem prometnih znakova i znakova koji daju ovlaštena lica, dužnosti u slučaju prometne nezgode, osposobljavanje kandidata i vozača, uvjeti za sticanje prava na upravljanje motornim vozilima, polaganje vozačkih ispita, uvjeti za uređaje i opremu vozila, dimenzije, ukupna masa i osovinsko opterećenje vozila, osnovni uvjeti koje moraju da zadovoljavaju vozila u prometu, rad strukovnih organizacija u Bosni i Hercegovini te druga pitanja iz oblasti sigurnosti prometa na cestama koja su jedinstvena za cijelu teritoriju Bosne i Hercegovine.

Članom 2. stav (1) ovog zakona propisano je da će organi Bosne i Hercegovine, entitetski i kantonalni organi i organi Brčko distrikta Bosne i Hercegovine, organi lokalne samouprave i lokalne uprave u gradovima i općinama osigurati provođenje ovog zakona i u okviru svoje nadležnosti donositi propise i preduzimati druge potrebne mjere za njegovo dosljedno sprovođenje.

Članom 4., 11., 12. i 13. Zakona nisu propisane nadležnosti za nadležne organe na državnom nivou. Nadležnost Ministarstva komunikacija i prometa Bosne i Hercegovine propisana je u članu 11. stav (3) i članu 13. stav (3) Zakona.

Članom 11. stav (3) Zakona je propisano da bliže odredbe o osnovnim uvjetima koje ceste, njihovi elementi i objekti na njima moraju ispunjavati sa stanovišta sigurnosti prometa, sistemu revizije i provjere sigurnosti pravilnikom propisuje ministar komunikacija i prometa Bosne i Hercegovine, u saradnji s nadležnim organom.

Članom 13. stav (3) Zakona je propisano da bliže odredbe o načinu vođenja evidencije o javnim cestama i objektima na njima pravilnikom propisuje ministar, u saradnji s nadležnim organom.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



Dostavljeno:

- Muhidin Čuprija, Porodice Ribar 67/2 71'000 Sarajevo
- spis predmeta;
- a/a.